

我的囡仔伴

徐堃明

我的囡仔伴毋是人，伊叫鴨母，今年五歲，生做是高長漢大，逐工我放學的時，伊攞會佇阮兜外口彼个路頭等我，等欲共我搯冊搯仔，有一擺，我刁持共創治，冊搯仔搯佇肩胛頭一直行一直行，假做無看著伊，伊煞停落來，用伊的烏仁掠我金金相，看伊目屎含目墘，敢若是佇電視咧搬戲，我嘛無法度閣再頭 khián 天，我共青共睨(gîn)，欲趕走伊，步數盡展猶閣剝袂離，結果，冊搯仔嘛是走去伊喙裡，誰(tsiâ)教伊生做遐爾古錐，予人愈看愈倖意，看伊喙齒齷齪(giàng)咧偷笑，這改轉甲厝，一定愛閣予阿母罵矣。

你看，人若衰，種匏仔嘛會生菜瓜，講人人到，阿母拄好送貨轉來，一看著我的冊搯仔閣予鴉母咬咧，隨著罵講：「討債囡仔，抑無你是無跤無手[是否](hiooh)，這個 kha-báng 若閣破去，你就家己開錢去買一跤」，彼个時陣，我是頭仔犁犁倚踎遐恬恬咧[予人](hǒng)罵，啊彼隻鴨母仝款是尻川坐塗跤，身驅倚亭亭(thîng-thîng)，目屎含目墘，烏仁掠阿母金金看，全然無變步，較搬嘛彼齷，真正是氣死人。毋過，阿母的喙是愛罵罔罵，隔轉工，我的冊搯仔就加紕一个耳矣，專門做欲予鴉母咬的耳。

阮兜的鴉母有夠戇，逐擺共講我拜三千焦讀半工爾爾，伊攞記袂牢，所以，逐禮拜拜三我攞予伊放粉鳥。阮兜的鴨母嘛誠奇怪，伊上愛食的物件是淺拖，有時仔我的淺拖若無藏好勢，伊就會偷咬去佻伊的 a-ná-tah 相搶食，嘛毋知伊是咧歡喜啥，啊淺拖仔敢有遐爾好食？抑毋過，阮兜的鴨母嘛有夠讚，伊上愛的運動是損球，我誠勢損野球，家己擲球家己損，逐擺共球 mai 甲遠遠遠，伊總是揣會著，隨著咬轉來予我。

阿爸咧起厝，阿母咧送貨，個攞有家己愛做的工課，規間厝內底，就賭鴨母會當佻我摔跋反爾爾，這馬，我佻伊是死忠兼換帖，規工結相黏，我做啥伊就綴我做啥，講欲佻乖就有佻乖，除了遮的以外，伊猶閣有別人兜攞無的好用途，「彼塊碗是誰損破的」，「鴨母啦！」，「啊房間內底是誰舞甲這腌臢的？」，「鴨母啦！」，恁看，袂歹齣！

註：演說是一項表演藝術，再平淡的講本，經過比賽員清晰的語音、具足吸引力的語調、及隨著語言節奏起伏的肢體演出，若再加上豐富逗趣的臉部表情，且能掌握聽眾的情緒則可臻演說表演之極緻。----演說比賽的致勝關鍵。